



Prot. N. 1210/21/I

DECRETUM

PAENITENTIARIA APOSTOLICA, ad augendam fidelium religionem animarumque salutem, vi facultatum sibi specialissimo modo a Sanctissimo in Christo Patre et Domino Nostro, Domino Francisco Divina Providentia Papa tributarum, attentis precibus nuper allatis a Salvatore Martinez, Praeside Nationalis Consociationis seu Ecclesialis Movimenti "Renovatio in Spiritu Sancto" nuncupati, in aureo eiusdem Movimenti Iubilaeo, de caelestibus Ecclesiae thesauris plenariam benigne concedit Indulgentiam suetis condicionibus (sacramentali Confessione, eucharistica Communione et oratione ad mentem Summi Pontificis) rite adimpletis, a sodalibus aliisque christifidelibus vere paenitentibus a die XXVI Novembris MMXXI usque ad diem XXVI Novembris MMXXII lucrandam, quam etiam animabus fidelium in Purgatorio detentis per modum suffragii applicare possint, si quodlibet templum praefato Movimento ubicumque spectans in forma peregrinationis inviserint et ibi iubilaribus celebrationibus devote interfuerint, vel saltem Orationem Dominicam et Symbolum Fidei devote recitaverint, additis piis invocationibus Beatae Mariae Virginis.

Senes, infirmi omnesque qui gravi causa domo exire nequeunt, pariter plenariam consequi poterunt Indulgentiam, concepta detestatione cuiusque peccati et intentione praestandi, ubi primum licuerit, tres consuetas condiciones, si iubilaribus functionibus se spiritualiter adiunixerint, precibus doloribusque suis vel incommodis propriae vitae misericordi Deo oblatis.

Quo igitur accessus, ad divinam veniam per Ecclesiae claves consequendam, facilior pro pastorali caritate evadat, haec Paenitentiaria enixe rogat ut sacerdotes, opportunis facultatibus ad confessiones excipendas praediti, prompto et generoso animo, celebrationi Paenitentiae sese praebant.

Praesenti pro hac vice tantum valituro. Non obstantibus in contrarium facientibus quibuscumque.

Datum Romae, ex aedibus Paenitentiariae Apostolicae, die VIII mensis Novembris, anno Dominicae Incarnationis MMXXI.

Maurus Card. Piacenza
Paenitentiarius Maior

Amstaphorus Nyfue
Repus